

Svjetski dan planete Zemlje / Earth Day

22.04.2019.

„Zaštitimo naše vrste“

Svjetski dan planete Zemlje obilježava se 22. aprila/travnja prema odluci donesenoj na Konferenciji Ujedinjenih nacija o okolišu i razvoju u Rio de Janeiru u 1992. godini i od tada se Svjetski dan planete Zemlje obilježava u više od 150 zemalja.

Tema ovogodišnjeg Svjetskog dana planete Zemlje je „Zaštitimo naše vrste“. Planeta Zemlja zajedno sa svojim ekosistemima predstavlja naš dom. Darovi prirode za našu planetu su beskonačni i podrazumijevaju između ostalog i milione vrsta koje su do sada prepoznate kao i one koje tek trebamo otkriti. Sva živa bića imaju izuzetne vrijednosti od kojih svaka ima značajnu ulogu u kompleksnoj povezanosti života na planeti Zemlji. Potrebni su zajednički naponi za zaštitu ugroženih vrsta poput pčela, koralnih grebena i mnogih drugih.

Na ovaj dan se nastoji promovirati život u harmoniji sa prirodom kao i širenje svijesti o izazovima za prirodu a naročito klimatskim promjenama. Kako bi se ubrzale aktivnosti za implementaciju Pariškog sporazuma o klimatskim promjenama u ovoj godini će biti upriličen Samit za klimatske akcije (eng. *2019 Climate Action Summit*) koji će se održati 23. septembra, a čiji domaćin će biti generalni sekretar Ujedinjenih nacija, g. António Guterres. U ovoj godini u okviru obilježavanja decenije obilježavanja Svjetskog dana planete Zemlje biti će održan 9. interaktivni dijalog Generalne skupštine o harmoniji sa prirodom.

Kako bismo osigurali kvalitetan život za buduće generacije neophodno je misliti o osiguravanju održive budućnosti planete Zemlje. „Postali smo sami sebi najveća prijetnja, ali još nije kasno da se suočimo sa svim problemima koje smo sami stvorili i to samo ako djelujemo sada. Kao vrsta smo se pokazali stručnjacima za rješavanje problema, no ne i u ovom slučaju. Imamo priliku za stvaranje održivog svijeta s čistim zrakom i vodama, neograničenom energijom, kao i bogatim ribljim fondovima“, istakao je David Attenborough, WWF-ov ambasador, prirodnjak i narator [Našeg planeta](#). U cilju promocije uspješnih primjera nastojanja održivosti u prirodi formirana je platforma [Priroda i ljudi](#), kreirana od strane WWF Adrije u saradnji sa partnerima.



(foto - [izvor](#))